

UNTUK SIARAN SEGERA



**KENYATAAN MEDIA
KEMENTERIAN PENDIDIKAN MALAYSIA**

**MENJUNJUNG KASIH TITAH DIRAJA
KE BAWAH DULI YANG MAHA MULIA
SERI PADUKA BAGINDA YANG DIPERTUAN AGONG XVI**

Kementerian Pendidikan Malaysia (KPM) merafak sembah menjunjung kasih atas Titah Kebawah Duli Yang Maha Mulia (KDYMM) Seri Paduka Baginda Yang di-Pertuan Agong XVI Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah sempena pembukaan penggal kedua, Parlimen Kelima Belas pada 13 Februari 2023 yang turut menyentuh beberapa perkara yang melibatkan bidang pendidikan.

Seiring dengan keperluan kini dan masa hadapan pendidikan, KPM akan menerajui Dasar Pendidikan Digital (DPD) bagi menyambut agenda pendidikan digital negara. KPM juga komited untuk memastikan prasarana dan infrastruktur institusi pendidikan di bawah KPM sentiasa berada dalam keadaan selamat dan kondusif melalui projek menaik taraf atau penggantian blok bangunan sekolah daif. Dalam bidang pendidikan dan latihan teknikal vokasional (TVET), ia akan terus di perkasa untuk melahirkan graduan TVET yang memenuhi keperluan industri dan negara menerusi pendekatan usaha sama antara pihak awam dan swasta.

Dalam meningkatkan lagi tahap keselamatan dan kesejahteraan murid di sekolah, KPM telah memperkasakan penggunaan Modul Intervensi Jenayah Seksual Kanak-kanak di Sekolah (IHSAN) selain membuat penelitian dan semakan berkaitan peraturan-peraturan disiplin murid yang lebih komprehensif.

KPM akan terus berusaha untuk memastikan seruan KDYMM Seri Paduka Baginda Yang di-Pertuan Agong dilaksanakan demi kebaikan dan kesejahteraan rakyat Malaysia.

-TAMAT-

**KEMENTERIAN PENDIDIKAN MALAYSIA
14 FEBRUARI 2023**